

Arkiv: <arkivID><jplD> FA-U01, FE-026, TI-&10
JournalpostID:
Sakshandsamar:
Dato: 03.03.2021

Saksframlegg

| Saksnr. | Utval | Møtedato |
|---------|------------------------------------|------------|
| 032/21 | Utval for næringutvikling og drift | 10.03.2021 |
| 027/21 | Alver formannskap | 11.03.2021 |
| | Alver kommunestyre | |

Samarbeidsavtale Invest in Bergen og Etablerersenteret

Rådmannen sitt framlegg til vedtak:

Alver kommune vedtar å inngå ny samarbeidsavtale 2021 - 2024 om medlemskap i Invest in Bergen og Etablerersenteret. Kostnad for medlemskap på kr 204.568 per år ligg inne i den økonomiske driftsramma i økonomiplanen 2021 – 2024.

Utval for næringutvikling og drift 10.03.2021:

Handsaming:

Utvalet vedtok samrøystes rådmannen sitt framlegg til vedtak.

ND- 032/21 Vedtak:

Alver kommune vedtar å inngå ny samarbeidsavtale 2021 - 2024 om medlemskap i Invest in Bergen og Etablerersenteret. Kostnad for medlemskap på kr 204.568 per år ligg inne i den økonomiske driftsramma i økonomiplanen 2021 – 2024.

Politisk handsaming

Saka skal til uttale i utval for næringsutvikling og drift 10. mars

Saka skal til innstilling i formannskapet 11. mars

Saka skal til avgjerd i kommunestyret 25. mars

Saksopplysningar:

Bakgrunn – kva saka gjeld

Kommunane Lindås, Radøy og Meland har vore med i ein samarbeidsavtale mellom kommunane og Hordaland fylkeskommune om eit samarbeid om Invest in Bergen (www.investinbergen.no) og Etablerersenteret (www.etablerersenteret.no). Dette var eit fireårig program frå 2017 til 2020, og det har vore eit speiselag mellom fylkeskommunen og kommunane. Vestland fylkeskommune ynskjer å inngå ein ny samarbeidsavtale med kommunane i fylket for perioden 2021-2024. Vestland fylkeskommune ynskjer i utgangspunktet at ein ny avtaleperiode 2021-2024 skal gjelde både for Etablerersenteret og Invest in Bergen, men det er mogeleg å berre tiltre samarbeidet om eitt av tilboda viss kommunen ynskjer det.

Samarbeidsavtalen skal sikre:

- at dei som ønskjer å etablere ny verksemd eller vidareutvikle ei eksisterande verksemd i dei aktuelle kommunane får tilgang til etablerarkurs og rådgjeving gjennom Etablerersenteret.
- at kommunane og regionane blir involverte i Invest in Bergen sitt arbeid med å få fleire nasjonale og

internasjonale verksemdar til å etablere seg i dette området.

Om Etablerersenteret og Invest in Bergen:

- **Etablerersenteret** tilbyr etablerarkurs og rådgjeving til oppstartsbedrifter og entreprenørar i alle kommunane som er med i samarbeidsavtalen. Etablerersenteret arbeider utadretta og samarbeider tett med eksisterande næringsaktørar i kommunane/regionane. Vestland fylkeskommune arbeider no med å utvikle eit heilskapleg entreprenørskapsstøttesystem for Vestland fylke, som skal sikre lik tilgang til støtte og rettleiing uansett kor i fylket ein bur. Eksisterande aktørar på dette feltet skal etter planen integrerast i ei slik teneste. Etablerersenteret vil då bli integrert i dette nye systemet. Målet er at kvaliteten på tenestene vil bli høgare ved at ein kan trekkje vekslar på ekspertkompetanse på tvers av kommunane og regionane tilpassa behova til den einskilde entreprenøren. I forkant av eit slikt nytt heildekkjande system vil samarbeidsavtalen som kommunane har om Etablerersenteret sine tenester, bli revidert. Ved etablering av eit heilskapleg entreprenørskapsstøttesystem i Vestland fylke, skal Etablerersenteret integrerast i denne ordninga. Etablerersenteret vil likevel halde fram med å ha eige kostnad- og finansieringsbudsjett. Entreprenørskapsystemet skal bla. bestå av eit digitalt system som skal vere «ei dør inn». Målet er å auka kvaliteten på tenestene totalt sett. Alle entreprenørar kan få hjelp uansett kor dei er lokalisert i Vestland fylke.
- **Invest in Bergen** er eit program som har som målsetting å få fleire nasjonale og internasjonale verksemdar til å etablere seg i regionen, samt å koordinere mottak av delegasjonar som kjem til regionen. Programmet har eit eige kostnads- og finansieringsbudsjett. Invest in Bergen har ei viktig rolle i å vere kommunane sin representant i møte med investeringsinteressentar. Invest in Bergen jobbar tett saman med Invest in Norway, ein del av Innovasjon Norge sentralt. Invest in Bergen er ein fasilitator for bedrifter som ikkje kjenner regionen og som treng hjelp til:
 - sjølve etableringa
 - areal – kor er det meste eigna for etablering
 - nettverk
 - investormiljø, lån, finansiering
 - samarbeidspartnarar
 - arbeidskraft og kompetanse
 - fasilitetar i regionen
 - generell kunnskap om Noreg og regionen.

Finansieringsmodell:

- **Invest in Bergen:** Kommunane bidrar med 4 kroner pr innbyggjar i kommunen, rekna pr 01.01. kvart år. Vestland fylkeskommune betaler 4 kroner for tilsvarende folketal som i medlemskommunane. Med 29.224 innbyggjarar betyr dette kr 116.896 for Alver kommune.
- **Etablerersenteret:** Kommunane bidrar med 3 kroner pr innbyggjar i kommunen, rekna pr 01.01. kvart år. Vestland fylkeskommune betaler 3 kroner for tilsvarende folketal som i medlemskommunane. Med 29.224 innbyggjarar betyr dette kr 87.672 for Alver kommune.

Vurdering

Invest in Bergen og Etablerersenteret er sentrale aktørar og verktøy som bidrar i kommunane sitt næringsutviklingsarbeid, der dei rettar seg inn mot ulike målgruppe og behov. Etablerersenteret tilbyr etablerarkurs, kompetanse og rådgjeving til grundarar og dei som ønskjer å etablere og vidareutvikle eiga verksemd. Rådmannen har inntrykk av at Etablerersenteret har fungert godt etter intensjonen, men ser at det er fornuftig å sjå heilskapleg på entreprenørskapsstøttesystemet, slik at ein kan utnytte ressursane på best mogleg måte og sikre lik tilgang til støtte og rettleiing uansett kor i fylket ein bur. Samarbeidsavtalen om Etablerersenteret vil bli revidert når det nye entreprenørskapsstøttesystemet er klart.

Invest in Bergen skal bidra til at fleire nasjonale og internasjonale verksemdar etablerer seg i regionen. For Alver kommune har Invest in Bergen bidratt aktivt med å marknadsføre Mongstad gjennom prosjektet Mongstad industrial Park (MIP), med særleg vekt på å synleggjere tilgang på næringsareal. Invest in Bergen har

også vore sentral i arbeidet med å utarbeide prospekt for batterifabrikk. Rådmannen vurderer at Invest in Bergen er ein sentral aktør og viktig samarbeidspart i forhold til å jobbe med innflagging og etablering av verksemder i kommunen, i tillegg til å marknadsføre kommunen og regionen nasjonalt og internasjonalt.

Rådmannen rår til å inngå ny samarbeidsavtale om Etablerersenteret og Invest in Bergen i perioden 2021 – 2024. Totalkostnad for Alver kommune blir kr 204.568 per år. Finansiering av medlemskapet ligg inne i driftsramma i økonomiplanen 2021 – 2024.

Vedlegg i saken:

| | | |
|------------|---|---------|
| 03.03.2021 | Samarbeidsavtalen_Vestland fylkeskommune_hovuddokument | 1520161 |
| 03.03.2021 | entreprenørskap_støttesystem | 1520166 |
| 03.03.2021 | Invest in Bergen_presentasjon ND nov 2020 | 1520167 |
| 03.03.2021 | Samarbeidsavtale 2021 - 2024 - Invest in Bergen og Etablerersenteret | 1520173 |
| 03.03.2021 | årsmelding 2019 | 1520174 |
| 03.03.2021 | status | 1520175 |